

小倉山房詩集

小倉山房詩集卷十六 次展幸記

錢唐袁枚子才

瞻園十咏爲託師健方伯作

石坡

平泉三品石堆作一家春不假嵯峨勢真如蘊藉人峯
低安放穩路曲往來頻想見公餘暇臨風倚角巾

梅花塢

環植寒梅處橫斜盡閣東一輪明月照滿樹白雲空春
到孤亭上香聞大雪中要他花掩映新製石屏風

平臺

老眼三朝濶平臺四角方因山分上下望遠入蒼茫得

盡青天月銷勻碧玉霜謝公詩興發獨坐咏清商

抱石軒

一軒當石起緊抱丈人峯花月分窗入烟蘿合戶封坐
憐紅日瘦行覺綠陰濃鳥問幽棲客人間隔幾重

老樹齋

從前樹爲屋掩公拓世之得舊礎果其地也

老樹得春先亭簷遮幾年數椽移向後萬綠盡當天葉
密雨聲聚枝高日脚懸新基卽舊礎暗合古賢緣

北樓

北斗挂高樓江山一望收白雲簷外宿清露檻前流遠
樹深藏寺風窗易得秋飛花飛松子終日打簾鉤

翼然亭

山頂翼然亭登臨見杳冥
炊烟離瓦白高樹出牆青
海鏡明初日江燈落遠星
臺城千萬雉共列似圍屏

釣臺

春波二月平垂釣足幽情
古石連雲瘦疎花映竹清
萍開鱗有影絲細水無聲
久坐不歸去溪頭月正明

板橋

渺渺烟波處亭亭見板橋
橫陳如待渡小卧欲當潮
屐齒苔痕滑春晴水影消
杖藜扶我過隔岸有花招

梯生亭

有古樹梯面復生

黍谷陽和轉枯楊竟長梯
春風如隔世去鳥復來棲
樹解輪回義公有輪回說亭留瑞事題
知公多雨露溝壑起烝

黎

竹深處

娟娟碧琅玕虛窗八面看搖風青欲滴聽雨晝生寒綠
鳳迷春影飛塵掃盡闌恐教司竹監難數幾多竿

寄盧雅雨觀察

淮南聞說泛流霞七十神仙髣髴華千里風人齊進酒
二分明月正當花紅橋燈影宵移艇白雪春聲晝放衙
擬指平山向公祝萬枝松當海籌加

一江秋水隔瓊卮遠望卿雲有所思末座每將名士待
陳書深以古人期松筠性在留春久猿鶴身閒上壽遲
寄語真亭女郎日紅牙添唱卷中詩

時演真亭舊韻

上元前一夕訪岳水軒不值

新年訪故人故人飲酒去回車戀月明升堂且小住蒼
頭擎明燈春盤供寒具公然主人翁三枝小瓊樹聲聽
雛鳳清語協查梨趣坐久樹無州歸遲草有露仍踏野
田還梅花白前路

題武午橋相馬圖

天生良馬無人相牛羊日坐麒麟上午橋司馬氣不平
自取銀河洗眼障南遊滄海西蓬萊朝朝高坐看龍媒
不將金馬門前式剽取驪黃以外才至今蕭蕭霜滿髀
猶把丹青圖八駿曾看天廐有龍無插手風前怕人問
我知此意常自憐相牛相彘終天年

題塞上吟贈李觀察

絳節巡宣久著名三年遠作玉關行身歸萬里無風色
家住中州有正聲江上春帆桃葉歌天山歌板竹枝清
如公合畫凌烟閣蘇武臺前月最明

贈徐梅麓觀察

有序

己未冬枚 恩假歸娶觀察轉運揚州招陪前
輩江嫂撰應銓葉編修長揚唐庶常建中雪夜
小集今二十二年賓主重逢皓然自首同席諸
公杳無存者感贈一律情見乎辭

當年花燭撒金蓮曾過揚州醉綺筵明月二分歌舞地
酒人一隊玉堂仙宮袍舊影燈邊雪宦海流光水上

今日相逢倍惆悵後生前輩各華顛

潘宇情明府見和陶吳壁上詩書扇相貽兼餉茶
薈

黃梅風少雨氣濃故人贈扇如贈風扇面泥金書小楷
使我開讀心忡忡賤子當年宰江邑鄉巡野宿陶吳東
對佛張燈書古壁登樓高咏驚秋蟲十五六年爪痕在
鴻飛久矣忘行踪一朝安仁騎馬過仰壁大笑遇此公
依章次韻和成律遣人遠致深山中山翁得詩驚且喜
滄桑萬感來填胸恍若奉陪行野寺前生斷夢重相逢
無官追想在官日四句非復三旬容不覺三嘆我年老
豈徒再拜君詩工君知讀罷定消渴更惠茶薈青絲籠

笑煮新泉試七碗
搖扇坐聽清涼鐘

呼龍耕烟圖爲錢相人觀察題

沙飛海老烟蒼蒼
一莊荒到仙人鄉
癡龍耕倦眠不醒
有人呼叱烟中忙
落花壓肩鋤在手
碧虛金骨香桃瘦
自稱天上勸農官
封章屢向雲門奏
斬罷長鯨海上行
風城水瑟共相迎
已騎白鳳頒天語
更捉青龍喚小名
瞳神一點秋波朗
珊瑚挂盡冰絲網
兩度璇宮斷夜絃
龍堂淚滴真珠響
於今玉女導花廳
檢校仙租碧海東
好開生地栽瑤草
莫把神倉缺正供
公雅揚州副
稅一妾同行管寧
皂帽空山裏
號作龍頭蠟
無比高躋羊館
一千年任汝
狂呼終不起

揚州紅橋與門生劉牧舉進士兩舟相值次日牧
舉以紅橋畫冊屬題時將需次京師

偶移雙艇過紅橋隔水通家抗手招小別七年人面改
相逢十月雪花飄翠仙雅會留詩冊一客將行赴早朝
他日平山堂下酒師生舊事更魂消

劍

玉匣甘藏七尺身九秋不復試霜痕夜深尚作鳴鳴泣
爲有平生未報恩

初寒二首

久踈秋水愛斜陽九月初寒漏漸長夜坐不嫌人近燭
牕開忽見瓦留霜身依燕玉堪娛老心怯吳綿可在箱

我是家居眠未穩天涯爭奈客思鄉

騷人丰骨久伶俜呵手彈琴且暫停秋氣中年雙鬢覺
江聲孤館一燈聽錦衾敵雨新無力玉酒回春舊有靈
收拾蘆簾同紙閣負他風月在空庭

夜立階下

半明半昧星三點兩點雨梧桐知秋來葉葉自相語

答鎮江觀察錢璵沙先生見贈

江頭舊雨作監司江上閒雲慰夢思一代交情車笠在
廿年離緒鬢霜知家焚諫草終存史身是傳人更有詩
多感璵華重疊贈彈琴想爲過鍾期

雲龍踪跡不前緣彈指韶光最惻然泮水記憐袁淑小

按年十二與觀察同入學瓊林曾讓祖生先雞壇白酒看花日燕市紅燈掃雪天此際思量非隔世回頭已是過輕烟

客秋玉尺此衡文隔歲傳呼耳又聞作宦有緣偏近我渡江無主正逢君南衙夜宴鄉音合東海潮聲鼓角分
怡嘆俸錢最多日孟光福總讓朝雲公兩悼亡只一姬侍

階前蘭玉有清容小謝風華更不同秋水半蓬來隱者金焦兩點屬明公青山影落雙旌上白髮痕深一笛中從此暮雲春樹裏吟箋容易託江鴻

與觀察兩公子遊焦山作

平生五嶽曾坐嘯惟有焦山慚未到故人江口作監司一舟送我窮其妙遠望穹廡卧貼水近看龍樹深藏廟

老僧長眉叉手迎竹杖一枝作前導道山高七十六丈
遊人足力難深造我時氣勇逸興發與兩公子頭屢掉
初行磴棧猶繭繭繼引藤蘿頗稍稍風窗紙涼江光白
鐵塔尖翻海影倒掃雲亂踏落葉驚猿巢直上烏鳶噪
最後孤亭蹲絕頂人天萬象供凌暴轉孤思與天公博
升木何須野樵教潮聲出海雲氣濕日脚下水魚龍跳
自知吹墜不到地飄飄應發潮人笑久坐終懷杞國憂
瘦蛟舞入僧家竈時修琳宮迎六龍倂般奔忙藻兼闢
三時未畢靈臺功六鑿初開混沌窅石上磨崖字萬萬
文詞剝蝕堪憑弔焦先姓與此山傳跡穴無人空虎豹
周鼎摩挲僞可疑鵲銘點竄心空悼夕陽西下不忍歸

題名故把松枝拗從山腹登從背下如蟻走磨經堂與
指小焦山示公子可似從遊兩年少慮人間我遊樂乎
預作詩章滿城報

薛一瓢銅銅杖字曰銅婢屬予爲歌

金銅仙人辭漢主嫁與先生作婢女先生新娶銅山歸
兩足軒軒能健舉婢子清瘦鑠有神不言不笑能扶人
晝則隨行夜侍側但見金夫不有身旣不須霍光窮袴
加護惜又不慮袁紹妬妻加髡剔只恐葛陂遇水化爲
龍轉使老人愁孤立我聞北朝元魏立正宮先取黃金
鑄后容又聞蜀賓範國寶亦將妃面摩青銅先生倣古
作銅杖特教婢學夫人相借力橫行花月天平拖不畏

江湖浪一時名士盡有歌祝君偕老專房多我獨闌語
君應笑頗聞銅吳喚奈何

野寺

兩三間屋一溪水庵久無僧佛墮几香灰滿地旋作風
松鼠銜旛亂搖尾我來誤踏野葛花驚飛蛺蝶成團起
聽胡太史說某將軍故事

野史亭邊落日低三朝耆舊草萋萋忽將雙耳長江洗
來聽高鞋說李齊

虎邱同錢景凱泛酒船

五年不到闔閭城簫鼓新添水面聲爲待虎邱山月上
四更猶放酒船行

榜人中有踏搖娘曾侍吾家臨汝郎一種聲清銀字管

可憐吹散桂枝香

謂春風與桂娘

霜燈悄悄夜歸遲折得夫容有所思同是人間一池水
橫塘從古泛西施

喜文玉至

扁舟迎得柳枝娘銀燭當筵照舞粧仙雨着衣成酒氣
美人私語作蘭香尊前吳髮髩銀席上秦聲愛汝長
喜字自書三十六剪箋擬學鬱林王

再贈文玉

霜林紅葉好陽春邂逅橫塘賦洛神久已盧家傳少婦
况兼蘇小是鄉親

王爲盧氏出
姬杭州人

嬌鶯喘細將沉漏軟雪

魂消乍抱身遲莫，摩登花表散又分。惆悵與詩人

過繡谷園弔主人蔣升枚

十年前叩草堂靈，曾共瓊枝坐此廳。叔寶風神臨水照，
阿戎才語隔花聽。紅蘭春早香先盡，繡谷秋深客再經。
索取茂陵遺稿讀，霜燈涼月淚熒熒。

書樓尚在蕭郎遠，師曠重來子晉仙。小閣塵凝常坐榻，
青箱魚蠹舊吟箋。虛叨席上稱前輩，偏向人間哭少年。
似此蠅花眼邊過，老夫爭忍不華顛。

秋夜訪涂長卿不值見其二子

中散園林夜色深，阮公著屐來相尋。月華照樹烏鵲笑，
十八年前人又到。主人不在兩郎迎，兩郎當年都未生。

出門大笑問雨郎當年何處作迷藏

一卷

一卷書開引睡遲洞房屢問夜何其高堂憐惜小妻惱
垂老還如上學時

夜坐

飄飄風雪夜釭凝蕭蕭蕭齋硯有冰落筆動爲千古計
知心惟有一牕燈衰翁獨坐寒梅伴空谷高歌凍雀應
不是予雲甘寂寞人間誰是得霜鷹

除夕望山尚書賜荷蘆胡餅鹿肉戲謝四絕句

風景蕭蕭歲又更梅花門外馬蹄聲師恩更比春光早
捧得金盤落照明

謝元雅愛羅囊佩束皙高吟胡餅歌不賜羔羊賜麋鹿
憐儂一片野心多

屠蘇未進先生餽椒酒先頒弟子行好似歲終飛瑞雪
定飄幾點到荒荊

尚書得韵便傳箋倚馬才高不讓先今日教公輸一着
新詩和到是明年

答香亭并序

揚州遇香亭聯袂數日送往彭城余亦東下姑
蘇畢臘始返香亭書來道有山左之行兼問尋
春芳訊寄詩奉馳

萍水揚州遇阿連已逢重別倍凄然絕無骨肉吾將老

怕有分離汝最賢
荆樹心孤花合並
雁行力薄影仍偏
東關極目征車遠
腸斷隋隄欲雪天

胡威相約赴山東
難免劉安唱惱公

妹夫胡書巢招香亭往山東舊主人

劉太守
不覺身重親朋爭
側席路遙兄弟更
飄蓬蕭齋侍疾情
難忘江館評花榻
暫同知否夢回姜
被冷旅人幽咽一
燈紅弟別後予始
有異鄉之感終夕
不寐

輕帆悔向闔閭城
不載春歸負此行
楚客風懷非昔日
吳宮花草竟虛名
思量種玉田須好
鄭重珍珠斛敢輕
就使書香少人續
孔明終望伯松生

春晴

今歲天公太有情
一冬無雪又春晴
紅梅但覺飛香久

綠草何曾借雨生
雙燕翅如迎曉日
百花心更望清明
風光似此須行樂
莫管頭顱白幾莖

送望山尚書入都

新歲春晴減薄寒
尚書應詔赴長安
三江父老攀轅

送一路桃花信
馬看嫁女粧
舊添後乘憂民
丰采重朝

端君王若問樓霞
事定奏山門水要寬

山門外新開一湖

大婚典禮重青宮
恭值慈寧祝華嵩
高啓門楣迎貴

婿驚聞天語喚親翁
均調玉燭資肅相
鎮撫金河仗

寶融兩事難兼須
引例張溫在外領三公

蔗漿真覺老逾甘
鄧禹生兒滿十三
行禮好同新命婦

公妾張氏
一品夫人
懷人難忘舊江南
西清應制頻簪筆
紫禁

承 恩許駕驂倘奉 宸遊陪 御輦上林花雨正紅
酣

送行只剗袁絲在老唱驪歌十幾年金屋人封馳賀啓
橫塘舟泊鬪吟箋春雖小別花終戀莊自長荒主倍憐
一語後堂公記問有無雜佩賜彭宣

公愛校賀啓
許賜雜佩

佳兒歌爲李竹溪同年作

李氏有佳兒稱名自呼燧豐頰頭欹崎通眉質穠粹客
秋來隨園勝衣才七歲其時壽萱堂稱鵬集朋輩兒來
盃其間隅坐聽鼓吹客密一身藏心靈兩眼銳不受乳
母詔寒暄吐詞媚不並先生行從容就賓位能習少儀
篇尊壺面其鼻能辨琅邪稻辟呬便長跪懷核告先歸

負牆揖始退駢駢萬目看竊竊羣言議項橐孔子師甘
羅宰相器古人久不作今兒或可繼未幾兒叔來道兒
能屬對梅花古岸香芳草新堤翠予謂子胡然母乃倩
人僞招兒膝前立試兒兒母慙公然羅漢松舉對水仙
卉以佛擬神仙銖兩俱相配奇哉此佳兒聞一乃知二
虎子自食牛蘭芽早拔萃若非任彦昇旗蓋中天墜定
是陶通明香爐送霞帔仙李舊根盤家世傳明慧武或
爲亞子英雄張一隊文或爲長吉能留韓愈轡嬌者哀
師兒玉溪夸清脆仙耆老郭侯頭枕天子睡兒今將母
同法祖擇其最兒父吾同年老鳳聲噦噦積善世其家
有子應顯貴嗟予幼了了科名亦早遂愧作例網譏僉

覺後生畏恨無左伯豪薦兒登朝陞山學龐德公將手
撫兒背勸試字九千毋忘山一簣長舉無恤詞早赴重
雲會致身 聖朝禮樂佐隆備明知冬郎相義山久懽
悵且賦佳兒篇播傳爲國瑞

送託師健中丞重撫桂林

小別三江口重開八桂堂望塵來故吏駐馬問新秧元
老顏如昔甘棠樹恰蒼生猶同蠶戶迎拜各焚香
妙絕瞻園景平章頗費心一樓春雨足三寸落花深仙
鶴遶喬木閒鷗聽好音不知天外使可憶舊雲林

謝託公賜瞻園碑記

韓山片石蒙公贈密字真珠玉篆斜惹得山人夸未了

蘭亭初搦在儂家

再贈中丞

白雲孤鳳語碧海青琴絲高卑雖懸絕一見難分離
瞻園大中丞翩然海鶴姿官職經三朝聲名動四夷賤子
仰宮牆六年不敢窺自顧螢末光敢敵青陽輝倘蒙衆
人待反失種種爲隔簾望明月未見終狐疑履躋登華
山欲上猶趑趄賴有潘安仁道公謙且卑憐才如飢渴
汝可往見之山人整巾帶厭介仰光儀溫溫大儒顏春
風將人吹遊目瞻園景樓閣新參差公以藜杖引筋力
無少衰使我作曾點沂水春風思從此寄箋咏使者縱
碩馳稱我心中人和我投贈詩八月十三日白露中庭

滋引裾問經義析理窮銖銖皇王相窮竟周孔相攀追
畏匡存別解一貫有心期程朱慚局促鄭馬亦糠粃更
談周易義議論尤恢奇道此大聖語文王與堯舜六龍
以御天幽贊生靈書後人和去遠如堯鏡天池強解爻
象義毋乃非狂痴大哉先生言千年無人知宜尼過五
十方敢作繫辭所以雅言三不以易教垂枚惜聞道晚
今日得良師公亦向人道此子能參稽絕無才人態而
有入道基枚聞感知已懷古中心悲換貴與扶賢瑣瑣
均堪嗤果然學問深如水沃塵翳嘒嘒常不足欸欸無
詆欺枚今侍君子終身願因依何圖未一稔西粵催旌
旗我欲留公住明詔誰能違我欲從公行高堂有慈

韓一日一見公日短心無涯一年一寄書書長雁來遲
惟有懷公贈摩挲瞻園碑碑石有時泐寸心終不移

聞中丞改撫皖江

一紙黃麻聽好音果然天意卽民心皖江樹愛甘棠舊
西粵車停瘴雨深常寧忍拋元老遠瞻園仍望主人
臨誰知故吏蒼生外別有閒鷗喜不禁

過維臯訪何西舫明府淹留數日別後却寄

秋霜明廣陵揚舫來維臯爲訪何水部遠勞襄奉高官
聲榮下聽仙樂堂前操賓館雖儲侍陳榻先招要感茲
黃花節相逢白首交深情追往昔離恨舒今宵夜夜故
入語嚶嚶最難號

入境喜絃歌懷古悲陳迹今日水明樓當年辟疆宅國
初盛晉燬海內馳巾幘一聽雍門琴永斷山陽笛問舊
隣不知照影水空碧欹樹待樵來孤花管烟立逝者盡
如斯萬事今猶昔淒涼異代交三復同人集同集辟疆有
平生讀國風好色慕古流誤聞此邪媛窈窕能清謳遠
道致瑤札含情託蹇修何圖二南化漢女不可求豈無
鴛鴦媒所致非吾儔千愁攻羈客獨宿難深秋西施未
有期范蠡回扁舟

城外船欲開城內呼鷗鷺君來送我行燈下紅旗朗依
依膠漆懷脉脉雲鴻想榜人催別離趁此夜潮長思君
心尚留別君身已往夢醒不見君霜月淒蘭漿

有客

有客溪頭訪若耶
袁絲何處種桑麻
牧童遙指水流處
紅出一牆文杏花

贈希裴觀察四十韻

憶昔叅師相名甥
仰大賢雲泥一千里
桑海廿三年半
百公方相稱觴
我自憐借題將有述
染筆愧難宣吏部
當時貴郎官擅譽先
謝莊司九品毛玠掌三銓
智府冰壺開神機
玉燭鮮方書頒桂下
勲格配階前再轉西臺
肅行看獨坐專鸞坡
鳴榔牙柏府立鷹鷂
五馬馳江左三河轉
漕船福星歌子駿得寶
唱華堅黔首交相賀
金陵倍有緣治河臨
狐子鞠獄到幽燕去似
春難別來如

月再圓薰風吹草偃高識踞雲巔路正行尤穩心虛事
不偏客秋吳下吏誤推水衡錢計相鋒車出羣胥草索
連聖人頻寄問方鎮共憂煎談笑看公到從容把事
全微言風欵欵握算腹便便吉甫元和簿夷吾手實篇
霜燈親檢校公府苦周旋黑霧消三里蒼生付一肩橫
塘還聚戟吳市滿香烟此際飛春雨忻逢啓壽筵自持
書一卷不羨客三千錦幄靈萱茂金堂寶樹聯台星方
耀耀元髮未華顛賤子長餐木何時慰執鞭銜花慚白
鹿斟酒對紅泉身賤趨陪少情深禮數捐新詩商格律
古玉論雕鐫驚眼雙龍勺公有龍勺甚古低頭五色箋瓊瑤堪
比德筆墨更如仙喜傍慈雲近終增小草妍私情借寇

住公論祝鶯遷感舊京華日陳情暮雨天謹歌壽人曲
交與女兒絃

雨中卽事

驚風萍葉開帶雨池聲大青蛙抱佛心踏上蓮花坐

哭曾南村刺史

并序

南村刺郴州官署災夫人及一女焚死南村以
痛其妻與女故辭官歸半途亦死

慘事傳來確驚心竟是君三更宣榭火兩世伯姬焚解
綬腸先斷歸途手亦分斯人有斯報難問楚江雲
同謫爲仙吏先予刺一州省郎青瑣月燈館白門秋舊
夢何其憶晨星幾個孤兒長成未東望淚雙流

隱仙庵聽卓道人彈琴與丁珠秀才分得離字

素手拂青絲空山聽演師聲希流水緩調古白雲知細
雨初晴日茅庵欲暮時那堪聞此山孤鳳與鸞雛

次日招似村公子聽琴得青字

羽人彈綠綺公子坐空庭小室留聲久繁絃惹客聽雨
中春酒冷風裏落花停似爲餘音繞江峰分外青

溫屏山太守書來索詩賦五言奉寄兼呈賢兄皆

山

去年送君船殘臘過江表今年接君書書來春已老君
書良何如密字連真珠索我瑤華箋催我紅鯉魚感君
相思長愧我歌詩短歌詩久已成欲寄長天遠

昔君宰沭陽賤子爲前驅後君宰江城南衙日歡呼愛
君好風懷真味如醲醑冬心常冷抱古道能持扶南巡
一瞻天飛騰在須臾福丹不爭風亦頗利江湖寄語燕
中者請觀溫大夫

君家昔山子孤清如伯夷一談成至交此事燈花知所
爭根本大所傷知音希弟作西江守兄別倉山友棲霞
紅葉霜金燈白門酒此會何時重此情君憶否想見老
彌明至今猶閉口

皆山見人寒暄之外無坐而已

老境

老境居難慣新居一倍愁白鬚髮更非病齒痛偏留作
楷書難小高談語易偷看看名與姓大局定千秋

偶成

水鳥飛上樹是誰偷采蓮
爭蟲魚影聚受露柳條偏紅
雨媚朝日白花明晚天呼
僮遲掃地好讓野雲眠

金川門

金川門外水雲寒
道是燕兵渡此灘
狎客名儒同誤國
君王真个用人難

栽松

青松手種兩三行
閒道難栽過豫章
待得成龍吾見否
不能對汝不思量

贈楊江亭提督

白髮三朝望真州
九代居期門曾試弁
東觀更修書文

武才原大神仙健不如誰知公八十安步尚當車
聽說 先皇事欬歔感不勝寬仁漢文帝悠久宋昭陵
吹夢春風過回頭歲月增傳聞猶雪涕何況是親承
清秘三閤虞翻有舊牀商尊明翡翠晉帖維鍾王簾
影風花靜書聲子弟忙此身真法物何必弄圭璋
羊祜荆襄督歸來二十秋功勲留片石老物剝輕裘
鳳瓊林客童孫小子候門前江水濶何處不扁舟

自嘲

小眠齋裏苦吟身才過中年老亦新偶戀雲山忘故土
竟同猿鳥結芳隣有官不仕偏尋樂無子爲名又買春
自笑匡時好才調被天強派作詩人

哭座主虞山相公

台垣一夜隕星辰
禱祀難留嶽降身
雨露正濃梁木壞
絳羅雖盛柏公貧
東園秘器頒張禹
車駕臨門問賀循
聽說憑棺天語痛
至今哀感動旁人

瓊林曾記遇歐陽
早列三千弟子行
聽樂夜眠東閣雪
趨朝晨掃後車霜
江湖淪落師門遠
海宇昇平相業空
二十二年前進士
不堪回首舊宮牆

前年卮 蹕邢江過小泊
隋隄舫暫停絳帳談
深春雨
細金燈人別暮山青
恩無可報身原賤
事有難憑夢不
靈公夢自猿入費榜發得枚期望甚大
此後西州水流處
羊曇涕淚怕重

經

支枕

支枕悠悠午夢餘
開門仍是閉門居
客來下馬有閒意
未見主人先看書

用定聲錄韻贈周青原

我生十二年竹馬
騎入學周郎
如我年入泮
童而角微之
愛龐巖爲其兩
相若衣裾撇我
門願介來酬酢
王戎岩下電中
散雞羣鶴玉山
到眼明蘭風滿
懷掠縱論至於
詩風雅同商雅
新箋出袖中寶
劍光騰躍梵筴
裁整齊楷法矜
戎制置校倪謝
郎才具可約畧
初寒歌兩篇速
藻驚沉着再和
春草詩風華尤
的燥讀罷意超
超對郎視矍矍
初疑守天厨紅
霞夜深嚼又疑
捫麟篆赤手

鯨牙拔郎乃負墻立拱手揖先達願談元中元庶幾覺
後覺感耶意嗷嗷老夫請刺刺六義非一體源流各有
合八音非一器硯散絃匏雜大響奏鈞天簫韶兼衆樂
百川會東海隨宜供吐納菱菱目論者取徑乃取狹畧
採文選理嫌韓蘇粗選未窺李杜藩先笑溫李弱強界
唐與宋如以裘屏葛所見同陳醇將肘類肉鴨龜茲自
稱王李重不足殺鄙儒遇都士一醺甘百罰願子雪此
言高坐酣勇爵萬象各端倪詩懷兼午割妍媸鑒古人
胸懸萬年蛤毛詩三百篇去其味嚼蠟童子歌滄浪何
妨便取法修業不息版訓練三千甲慘淡役心靈別造
牟尼塔廉如雞食跼貪如魚祭獺色如江濯錦聲如鼙

過關暫服龍虎虵奔馳泰華嶽審格先審題用墨如用
藥會見月宮桂專待吳剛斫豈徒張一軍臧洪作首歆
南都才子班嚴吳尤灼灼冬友元理問年都輪君戰罷枚數
關六月蘊隆天拚席不以鬣將子來施施索詩應曰諾
借扇書淋漓余懷傾七八甘苦述技經卮言非綽虐就
使子胡然此歌子宜答

戲柬似村

想見西園暑乍收碧梧翠竹雨修修六郎池上憑欄立
我替蓮花起暮愁

傳聞遺失金條脫羽化銀杯可絕踪惟有玉人偏不惱
抱郎雙腕暫輕鬆似盜金釧逃去

短曲長歌字數行六年無日不相將
屏風若有蕭娘記
紅豆拋殘第幾箱

約我花階設綺筵定期七夕晚涼天
牽牛織女河邊笑
又累人間請客錢

贈悟西上人

悟西事我如事佛每逢朔望來參謁
十五年前舊邑侯
諸人忘矣師偏不感師念我轉自思
作令無狀師所知
師言當年政清靜卽此已是大布施
我背善除竿牘弊
恰無峻法加胥吏又頗不喜佛老言
恰於僧道無憎顏
歐公本論未施設韓公原道休饒舌
果從天視盡蒼生
何事人來強區別我持此論頗有年
因師見訪聊一宣

師年八十顏色好昇天應笑釋迦小

聽鶯曲爲研農主人作

垂楊絲裊裊黃鳥聲交交中有聽鶯人短髮形飄蕭一
聲初囀如戛玉千聲萬聲肉勝竹細雨搖風欲落花斜
陽覆水難終曲當年行役赴遼西只有黃驄陌上嘶青
天獨道家山遠芳草長亭落照低歸來楊柳如人大流
鶯還抱楊枝坐紅雨當頭仔細聽聽時能使春愁破自
非天性少情人爭耐聞鶯不怨春我將滿載青山酒同
着流鶯一問君

重登永慶寺塔

九級浮圖到頂寒十年前此倚闌干過來事怕從頭想

高處人休往下看

登山

焚香掃地待詩成一笑登山倚杖行
愛替青天管閒事
今朝幾朵白雲生

吳門借寓陸郎墓題壁兼寄其外祖一瓢徵君

孤花一樹陸郎墳草屋三間水氣熏
停漿有久來假館
青山何處不留雲

地下童烏識我無當年詞客換頭顱
秋階手掃霜林葉
權作君家墓大夫

小劫華嚴十載遙相思無處把魂招
夜深風折西窗竹
彷彿猶聞子晉簫

虞山小住贈許芝田明府

同咏霓裳廿四春重聯芝蓋五湖濱但知俸好全供母
豈料官清轉累人時方調簡索助宓子絃歌宜小邑許由家世
本天民白門烟柳青溪水記爾留題墨尚新

贈虎邱僧離公

離公慶七十大設伊蒲供其時九月望素魄明高峰我
適渡江至虎阜攜孤筇隱隱簫一枝濛濛烟幾重尋聲
探遠寺抗手揖羣公陳遵忽驚坐小邾以名通齋厨禪
味淡暮靄嵐光濃初菊逗微黃繁燈綴深紅主人畢仲
游避面隱牆東其餘諸仙郎惜惜伎曲工酒闌幽影沒
塵定歌聲終禪僧高興發亦復鼓咽曉老鳳鳴孤竹一

沈羣喉空萍踪偶然聚白社千年風次日僧持紙索我
題真容卽書此日事留爪當飛鴻

苦寒

磨墨不動冰生花重裘雙襲如輕紗元冥行令理應爾
一寒至此寧無嗟憶昔去冬逢此日水泉不結梅含葩
天公并作一年冷河僵海老風揚沙前雪未消後雪至
寒心飄搖宿我家西園木皮五寸厚便了鼻涕一尺斜
陷冰丸薄古瓷裂迎春奏遠青陽遮黍谷盼斷鄒律吹
仙鶴道比堯年加兒童呵手狎呌牙上天請捉黃金鴉
諸姬各嫌帳不華寒酸羞烹學士茶我獨縮屋高自夸
雪車冰柱吟劉义周公言冬陰不開烝陽發洩爲淫邪

於今肅殺應月令來歲應收好麥麻就使月宮凍斷銀
河槎亦使張騫熱客心小差山人老矣暮景逼不能采
炭南山窪又無長裘與廣厦覆蓋寒士爲民爹惟有耳
護許公袒背抱吳宮娃金爐燦列如排衙私念宮門待
漏沙塲走若比此樂誰爲佳

吳門遇許部郎費秀才俱道予當六九十矣旣覲
各驚齒未笑賦一詩

不是年光肯倒流諸公錯認古陽休若論經歷人間事
自問原宜久自頭

從吳下還家句容遇雪重宿朱閣感贈主人

不到朱閣住星霜歲幾遷主人驚客至扶病出堂前握

予先看面回頭各記年燈明曾宿榻壁損舊題箋出拜
兒孫大堆盤膳飲鮮鄧裝庭繫馬輓脚僕分錢恰值隆
冬月重逢大雪天擁爐呵凍筆索火煖泥轉情比還家
好交因垂老憐苦留君宛轉久別我纏綿敢惜千場醉
多增一夜眠再來應有日切莫指華顛

閒行

折竹當藜杖別行過小亭無人獨自語溪上一鷗聽

閒坐

雨久客不來空堂飛一蝶閒坐太無聊數盡春蘭葉

九月十一日夜

金燈淡淡映書樓銀蒜沉沉押畫鉤一霎秋風吹落葉

小倉山房

卷十六

三

波濤都在樹梢頭

小倉山房詩集卷十七 壬午癸未

錢唐袁枚子才

元日

將老戀韶光當春重元日晨興整冠裳焚香坐密室黃
梅香尚幽白雪清未畢念此良辰晴數天齊道吉觸景
如逢新懷舊若有失逝者幾何年公然四十七久辭待
漏霜空對書雲筆履端人未來筮日吾始出珍重此寸
陰不覺搖兩膝吟成今年詩開卷此其一

題王少林北征集

江左烏衣客河梁白馬行採花金谷樹聽雨洛陽城古
蹟歸遊子中州得正聲遙知年少目不讓賈生名

愛汝新詩好傷予舊雨寒阿戎如此秀大阮不同看風
斷山陽笛花開謝氏蘭憐才兼憶昔掩卷淚關干傷孟亭先

棟在中席上贈樹齋雨林兩公子

與君未見已相思況復雙攀玉樹枝外戚恩榮同厖
駕建安兄弟各能詩西園水暖班荆早東郭燈紅散酒
遲難得雲龍徵送處江南三月落花時

吳歌宛轉管絃聞綺席同陪棟使君白羽扇涼詞客寫
紫羅襪好雪兒分偶來天上春將去並坐花間鳥戀羣
我欲吹簫招子晉遠陪雙鳳入青雲

題樹齋贈別胡郎詩後

聽唱驪歌別阿儂
搖鞭無奈管絃終
桃花昨夜相思淚
背著春山獨自紅

花滿春堤月滿鞍
紅兒相送小長干
老夫萬種風懷淡
只覺人間別最難

魚門極愛萬柘坡
遺集余讀之中有與袁子才聽
雨之作愴然感舊爲題一詩

偶翻亡友藥子集中有同吟我姓名
二十年前春雨夜
九重天外化人城
雲璈品逸宮商冷
鸚鵡才高福分清
難得心香最供奉
未曾傾蓋一程生

贈陸鮑兩秀才

人間竟有雙珠樹
天瑞真同五色雲
惆悵貞元老朝士

風懷振觸少年羣

名士翩翩半渡江清才若个最心降侍中風貌南朝重
何偃長明是一雙

題陳梅岑詩卷

元郎秋夕清都夜都是吟成十六時似爾一編清似雪
論年還更小微之

試罷籀書九千字更聞成誦十三經對君不敢低頭看
恐是瑤光第六星

寄樹齋雨林

恨事如流水都來三月中人間送公字天上別春風班
馬數聲響落花滿地紅所思人不見燈影小樓空

擁髻吳兒舞題襟楚客狂才當懽笑處已是別離場
躡程應緩懷人夢可忙知君射飛鳥不忍向南望
後會寧無日前期未可知心如一輪月光照兩瓊枝羽
便宜通札官閒好寄詩年年東海水流不盡相思

與師健中丞相見宮門別後却寄

投簪久不到丹墀爲訪臯夔立片時握手教同中貴坐
低聲私咏見懷詩老臣身健龍顏喜元首恩深雀弁
知公新賜未敢掃門非我嬾知雀羽春陰多半下朝遲

酒友歌

與程荆南同遊惠山飲惠泉酒大醉荆南作泉
酒行笑余余作酒友歌轉笑荆南

隨園先生枉生口能食能言不能酒獨醒人間四十年
天降酒星爲酒友酒友酒友程荆南酒車騰酌日再三
糟漿之氣衝鼻起百步之外人先酣與余同下蘇州道
一月忘修杜康廟望見前村賣酒旗口雖不語心先笑
惠山泉碧酒材良賜汝一壺恩渴荒君言主人不先客
不舉強余嗑嗑醺半觴頃刻玉山頽不住頭若崩雲眼
墜霧無福能交顧建康有心欲殺孫主簿還君漉酒巾
封君酒藏吏君量大如取兗州我量小如守欬器豈徒
割席拒華歆將縛衣冠射蔣濟

偶作

晴太溫和雨太涼江南春事費商量楊花不倚東風勢

來逢日暮石磴滋苔紋微覺暗泉響不見銀河奔誰知
鳴竹腹百道相糾紛九天落珠璣僧厨瓦上聞小憩金
蓮池寒玉浮氤氲湖光窮目力海影搖窗痕誓畢向平
願來陪金仙羣同持碧鸞尾日掃青天雲

湖心亭登臺望月同程錢兩秀才作

湖心更深春月朗一亭如雲飄水上水精宮有三人來
同踏空濛神悄恍鯨鱗萬重烟裴樹竹筍一聲漁動槳
亭旁露臺高百尺雕欄上接廣寒廣登臺欲捧爛銀盤
白榆歷歷指諸掌月如開戶光無邊星豈叛天去成黨
九州地缺琉璃補半夜潮生蓬榜響疑乘紙鳶身欲飛
怕觸銀河頭不仰此時高唱昇天行衣裳飄飄作雲想

但見萬川印爲一那信人天還有兩仙乎仙乎如相招
風車一下吾其往

龍井

龍厭西湖喧別選藏珠宅澄泓一井泉搖漾半天碧葉
墮鳥銜去魚行人不隔時方迎六龍崖磴加開闢穿
竇濬靈源爬沙出奇石瀑布九天來散作千處白噴珠
隕雜花洒面亂飛雪傾耳聲洋洋琮琤碎環壁臺高石
柱寒松古蒼烟積試茗人忘歸水明天不夕

飛來峰

奇山虛空飛落地偶然借愛此西湖佳不歸成久假我
來入洞行低頭甘出勝濯濯蓮花垂隱隱哀湍瀉魔降

獅吼伏甲蛻龍戰罷陰崖飛蝙蝠丹梯聳雲架疑是夸
娥移左股痕未化又疑巨靈擘仙掌分太華容卿數百
人空洞殊可訝毛髮漸漸灑方午已疑夜萬古不見日
四時寧有夏隙小初漏天雲生又補罅前穴風雨聲再
探心已怕

玉泉觀魚

玉泉何澄清銀河移在地戢戢萬魚頭空行渺無際紅
鱗金陸離白小影搖曳窺客若有情銜花鰕相戲池間
荷藻長風定水烟細可惜夕陽沉鐘聲雲外至春山生
睡容遊客有歸意回首波聲微淡月僧門閉

岳武穆墓

岳王墳上鳥聲悲半是黃鸝半子規鐵像至今長跪月
金牌當日早班師清宮客少王思禮前進兵輸來護兒
公本純臣無底恨可憐慈聖茹齋時

阿奴

阿奴碌碌竟何之如此江山兩髩絲過去雄心消易盡
送來老字例難辭尊前春到花能覺身後名傳鬼不知
寄語人間行樂者信陵公子是吾師

九月十九夜

漏轉三更萬籟空霜華滿地樹搖風老鴟窺戶乾笑去
中有一燈坐一翁

望山公嫌枚踪跡太踈賦詩言志

不是師門意嬾行尚書應諒艸茅情聽來官鼓心終怯
換到朝靴足便驚老眼書銜愁小字詩人得寵怕虛名
閒時每看青天月長恐孤雲累太清

向平婚嫁事匆匆今歲光陰道路中一字不曾忘訓誨
終年只當坐春風月臨秋水增顏色松抱青山托始終
若戀荒莊栽小草頻來散負蠟花紅

送潘宇情宰贛榆

潘郎頭白賦彈冠珂馬蕭蕭臘月寒捧檄莫嫌行路遠
栽桑好作種花看郡分東海風烟古地過黃河氣象寬
此去陰平吾舊治遺民可有問袁安

錢東麓少司農典試江南其尊人香樹尚書來看

榜發

令子衡文地尚書弭節臨雲山懷舊歷桃李認新陰代
畢趨庭事兼催赴闕心聖明如有問老健是恩深
國瑞兼家慶如公古所難龍門高膝下鳩杖重朝端秩
饒官支俸天書帝問安門生都隔代羅列當孫看

聞香亭舉京兆

喜鵲清晨噪屋端驚聞捷報自長安姓名豈有傳抄誤
科第從來後起難

先問題名紙樹字上誤多一心字

玉樹新陰秋爛漫

花磚舊影日高寒阿兄宮錦多年忘今夕開箱帶笑看
銀袍鵠立曉風清定有人呼小宋名遲我寸科成後輩
多君一戰振家聲花開荆樹遙分氣雁到青雲不讓行

只恐烟蘿騰冷笑叔疑子弟又爲卿

送魚門舍人入都

省郎簪筆侍彤闈綵鸞乘風向北飛深喜故人從此貴
恰憐知己自今稀長卿家敝官才得翁子才高願豈違
忍住頭顱未成雪 聖明時際莫言歸

雲龍踪跡記前因梅內論交子最親山館夜涼分聽雨
水窗花落共傷春聯床尚作同遊夢上馬頻驚欲去身
此後蕭齋風月冷再懸陳榻恐無人

幽燕此去路迢迢往日鴻泥跡未消判事莫談溫室樹
遷官穩戴侍中貂十行漢詔揮新墨一卷唐詩補早朝
想見上林烟柳外季良長鬣影飄蕭 舍人多髯

八
卷十一
九
中年容易動深情
况唱驪歌與客聽
折柳路從江上盡
斷腸人對暮天青
霜鴻羽健秋千里
桐樹心孤月一庭
妻子不知緣底事
臉邊來問淚星星

題蘇州太守孔南溪壁上

白下閒雲吳下過
偶來燕寢脫烟蓑
十科進士同年少
三守名邦異政多
明月上廳花送影
涼風穿樹酒生波
好將魯國狐裘誦
付與金閭士女歌

舟中作三韵詩四首

昨日逆風打船頭
舟人背纜如背牛
今日順風送船尾
布帆一日行千里
昨日非拙今非賢
船中有人笑向天
良馬盡行夜不行
楊聲日夜無留停
居家避客門常閉

舟中開門客不至人生三萬六千場惟有舟中日最長
前年尋春春不得枉住蘇州嚼冰雪今年尋春春更杳
美人如雲隔仙島造化小兒笑未終除却此事難惱公
東家鴟梟鳴可怪欲殺無刀心不快西家狐狸蹲上屋
欲射無弓心不樂老僧枯坐發愁嘆不見容易不聞難

哭座主留松喬少宰

十年前別淚先彈原恐衰年再見難幾度信來傳老病
恰欣人到說平安今朝絳帳真零落他日黃墟更渺漫
白髮彭宣想廬墓元堂當作後堂看

哭徐芷亭方伯

萬里黔關二品身一行遺表泣孤臣老懷怕數同年客

天意先亡古道入花下馬蹄留舊迹水邊楊柳換新春
相思曾有詩千字不及傳箋倍怡神

癸未元旦

歲首百事忘天晴萬花喜元日如今年人生能有幾隨
衆披新衣澄懷觀妙理阿母扶上堂同拜尚有姊女兒
各倩粧嬌甚不成禮四隣爆竹聲中且猶未已傳坐伺
過客來者亦數起喜界編年詩快增坐席齒吾生自有
涯節序何時止欲作迎春行先從探梅始

見雜
畧

唐人元旦飲
客號曰傳生

新正四日望山尚書召飲四鼓方歸次日將此夕
言論賦詩呈覽

正月四日春風新尚書折簡招幽人幽人家住雲深處
白雲帶入朱門去燕寢凝香靜不譁香梅開遍後堂花
爲憐盧植傳經學特領彭宣拜絳紗侍兒手捲涼簾帳
夫人出見東廂上身受金闥曠代恩果然玉立天人樣
天家頒到御厨珍仙鹿黃羊味絕倫一餐得飽先生饌
餘瀝還歸 聖主春醉步西園待新月飛花爭繞郎君
筆揮座人陪幕府談提燈僮報先生出絳蠟燒殘第幾
條含商嚼徵興方饒文章甘苦深嘗處彼此麻姑癢欲
搔自言七十明年度江花江草看無數戀闕情深屢乞
歸報恩身老時愁誤不吹風笛唱新腔只願烟村留雨
露玉帳牙旗三十年家鄉回首貧如故更將舊事說滄

桑惹落燈前淚數行往日先公辭祭酒曾從藩底識
先皇陽城起復恩何速陸贄登科眷更長半世閒身加
鼎鼐五年詞館卽封疆重重獎許 君王詔舉夔爾日
猶年少今夕聽來感不禁當時身受如何報夜深官鼓
響瑟瑟潞國精神少倦容廣長妙舌天河水一樣瀾翻
聽未終山人還山夜四更梅花紙帳一燈明怕成陳迹
將詩寫尚有餘波記不清

寄答樹齋雨林

香桃飄雪柳拖綿公子題襟又一年惆悵春泥没人掃
馬蹄留迹在門前

花箋爭寄水雲遙白雪清商韻共飄想見通侯門第靜

一家天上奏簫韶

怪我遲遲答報章
半年聽雨宿橫塘
君看天外孤雲影
料是幽閒轉是忙

惜別吳兒淚滿衣
至今江柳尚依依
知情只有司花鳥
銜着櫻桃向北飛

嫁女詞四首

春花多辭樹嫁女多辭家
明知理當然不謂事遽加
我有阿成女容顏如朝霞
嬌語聽連璫傳經倚絳紗
幼態宛如昨般送忽登車
平章合歡鈴辦治宜男花
有珠懼勿明有服嫌勿華
東具西復缺禮備儀又差
姑姆議瑣瑣媿御爭呀呀
竭我陪門錢買我離別嗟
雖了所生局

未卜所適佳嫁女與添丁畢竟誰惱爺

同居人暫離愁焉心已惱况是掌中珠懷中最嬌小我
又無男兒衰弱如蓬葆藉此慰所無起居伴昏聩人視
已長成我視猶襁褓并此復乖分教我如何老夫婿佳
姑蘇江天水渺渺田多尸祭忙族大持家早歸寧豈不
歸路遠終知少堂前晝惜暗膝下風悄悄中郎幾卷書
他日付誰好

東家嫁女兒珠翠傾千箱道路多側目門閭生輝光一
朝失婦德所贈都如忘西家嫁女兒荆苕與布裙奴婢
嗤其陋戚里嫌其貧未幾聞賢淑黃金鑄婦身姑恩不
在富夫憐不在容但聽關雎聲常在春風中澤髮苟不

順何以施鸞篋敷粉荷不和何以光容儀卽小可惜大
柔情須自持毋違夫子訓毋貽父母懼

未嫁女如兒已嫁女如客送客出門去主人頭愈白風
寒咏絮窗月冷畫眉筆阿母淚盈盈全家如有失難忘
辟咎時繞案分梨栗辜負嬉遊天下九及初七勲名旣
無成骨肉復蕭瑟嘉耦自然雙此累年而一巍巍五嶽
山欣然洗雲出催我遊勿遲平生事已畢

偶成

春宵好景怕相忘有得頻題墨數行花落竟疑鋪錦地
鳥啼如入選歌場鏡收山色成圖畫書作屏風掩洞房
莫道主人不知樂夜深猶自繞回廊

早開梅來傷矣慰之以詩

千樹梅花開一樹忽過春寒又勒住頗似良朋訪我來
自悔孤行復回去憔悴香心合自憐從來風氣莫爭先
請看一種調護者別有東風二月天

翻書得花數瓣上寫庚午年收藏怡然有作

展卷方知色不空幾行綠字襯殘紅十三年上春還在
逃出華嚴劫數中

霓裳久已散仙班一片香雲影獨還寄語成烟先去者
無書原不住人間

月地雲階事渺茫蠶魚也解護紅香看渠風雅歸依後
洗盡鉛華換墨粧

留仙珍重說持裙可奈吟殘手又分
收置離騷第三冊
招魂開卷易尋君

絕代穠華逝水流啼痕鬢影惹春愁
傷心玉貌誰長在
不是人身尚可留

寄師健中丞

去年見明公如坐春風懷今年對春風如見明公來
春歸公未歸懷抱何由開憶昔在江城知音日與
偕花箋寄遙夕元理談蕭齋一朝送旌旗羽翼臨
風乖宮門立須臾訪仙到蓬萊行轅偶參謁一見
抵百回而今又經年春光轉秦淮空教泥憶雲不
見月當階流水猶可制相思誰能裁因風寄遠音
翹首看三台

花下

花下壺觴月下歌風中鶴氅雨中蓑律嚴自累詩成少
園好翻嫌客到多古石疊高雲漸起新池開澗水微波
看儂如此山中住可肯簪纓換薜蘿

答中丞見寄

一葉瑤華至開函喜不支春來知老健札外有新詩風
調曹劉上襟懷稷契期遙天雲五色紅處是旌旗

春日禠吟

春宵夢醒月華涼窗外花開窗內香花似有情來作別
半隨風去半升堂

曾向西溪插柳條隔年相訪絮全飄一雙翠鳥清狂甚

故立風枝自蕩搖

爲少栽培瘦牡丹又緣冬冷損幽蘭
憐渠畧比羣芳貴便累園丁服事難

風雨多時易落英陽烏如炙可憐生
遙知花意同人意只乞春陰不乞晴

認取春泥記笋梢自驅黃鳥管櫻桃
不曾開着絲綸手何必蓬山釣六鰲

寂寂柴門雀可羅牡丹開後客頻過
山花未免從旁笑到底人貧富貴多

每悟生機叅物理鴛鴦無語立幽窗
請君數遍閒花草若个新芽不是雙

雨後流泉響不禁綠波明處照春心呼僮拔盡池中草
莫使人知水淺深

一枝桃插膽瓶斜未許春歸到別家攔路蜜蜂狂太甚
公然來采手中花

兒女輪流各賞春酒杯終日對花新高堂戒我毋他出
阿母明朝作主人

五尺屏風八尺床洞房強半近書房爲貪花裏香眠早
不負燈光負月光

靜坐溪頭學釣翁蜻蜓數遍水光中幾條金線忽搖曳
楊柳比人先覺風

送婿偕女歸吳門

看騎竹馬忽東床原是通家玉樹行江上親迎春二月
山中成禮日三商美如瑞子官終貴編到韓文望正長
慚愧名流稱樂令冰清清到女兒箱

左家嬌女髮垂髫姊妹初占第六爻

婿行第六吳語乍聽應

未慣秦樓暫住忍長拋閨中失禮憐渠小堂上承歡仗
汝教此去橫塘春求艾合昏花正放新梢

四月八日侍望山公西園壽讌作

香烟吹滿石城東聽祝如來又祝公隱者稱觴官散後
尚書留客月明中階前指樹年同老露下看花色更紅
天上蟠桃都手種今朝幾朶醉春風

論文每到夜三更賭背唐詩口應聲慣把精神壓年少

平分福壽與蒼生古稀預卜來春近
恩禮遙看曠代榮只願佛緣南國久少微永傍歲星明

虎邱懸一魚頭長三丈詢其被獲情節爲作巨魚歌

崇明三日雨如注海水如雲飛上樹巨魚騎浪遊人間
意欲來吞一城去天吳忽退波浪空巨魚欲去無天風
身橫千畝動不得長鬣倒挂泥沙中海人嗜魚爭割肉
乘梯登背如登屋萬人已飽魚不知血湧紅潮響坑谷
尾搖欲把青山掃鼻息衝沙成小島費盡人招海賈文
腹中葬骨知多少雖未成龍已有神千年涎沫生風雲
遊還龍伯扶桑國嘗遍周秦漢魏人一朝運盡魚無那

輦來朽骨空驚大兒童知爾死無靈高歌齊上魚頭坐

哭溧陽相公

三台星拆上公嗟中旨遙聞卹典加少著宮袍才出

學老依黃閣當歸家殊思鄉里曾開府佳話瓊林再

看花六十六年享天祿人間何處說榮華

公溧陽人
總督兩江

相業原如海樣寬聖明時際見才難六卿印綬身全

佩七省旌旗露未乾路國晚年同輩少千秋上殿小車

安

諱利興
人紫禁城

朝廷此日亡元老華夏無人拱手看

追隨函丈愛風標領袖神仙冠百僚絳帳橫經傳六藝

秋燈感舊說三朝清談瀏亮能霏玉品服詳華最稱貂

公裴衣
六十箱
回首後堂如隔世哀絲豪竹雨瀟瀟

一見相如賦上林推袁到處比南金許爲國士言猶在
不薦彤廷感更深花落尚存含露態山頽永斷出雲心
史官儘寫哀榮事那識羊曇淚滿襟

詔舉陽馬公
欲薦收不果

春歸

春歸花剝晚烟痕半百頭顱易斷魂兒未曾生女又嫁
一雙乳燕哺晨昏

蔗

無情惟草木惹恨是江南甘蔗知春去心紅味不甘

聞香亭殿試落後將爲邑宰

報捷南宮耳乍聽再聞臚唱倍心驚未工楷法難高第
早得花封稱宦情似子真堪論政事傳家豈止重科名

江東棠棣碑還在較勝追隨玉案清

三十三時吾致仕君年如我始排衙要爲廉吏先留俸

好坐公堂當治家縣譜昔曾抄夜雨

余纂州縣心書詩一卷香亭錄去

懷此後屬桑麻雙鳬倘得南飛近定擬來看滿境花

香亭信至以不追步花磚爲恨寄詩相慰

蓬山空一過何必學前人家累難修史心柔好牧民杏
塲悲小女蠶至聚窮親老我無他望金多早買春

聞香亭宰正陽再以詩寄

我昔知溧水阿爺客桂林得信買舟歸慰我迎養心慮
我年尚少居官力不任入境帶艸冠貌作路過叟召集
翁若嫗問某官賢否曰是翰林耶年才廿八九折獄最

聰強居心頗慈厚一村復一村好字不離口翁聞不易
服騎驢直上堂舉家不及知錯愕爭扶將我旣失遠迎
長跼心驚惶誰知翁喜甚卽序此因山道汝能循良較
勝羅珍羞是夕便加餐鬻然笑不休我生愧孝行慙慙
常自嗟只有者番事差足慰些些汝今復作令努力爲
民爹須防微服來阿兄如阿爺

題虎邱卽蘇樓八首兼贈祖印上人

全得虎邱勝無如祖印房紅欄半空出深樹一樓藏上
接諸天界旁橫選佛場飛花兼落葉終日滿禪床
五十三叅處軒窗面面開嬉春看人過消夏等風來良
夜月千里過天海一杯九龍山色好相對日崔嵬

葛令移家具劉綱挈小妻穿林得幽逕掃榻作雙棲展

鏡千山活催粧萬鳥啼維摩偏示病雲外聽天雞

時病起

小憩千人石間行七里塘吳歌分榜響春酒雜花香橋

僻船偏聚風回笛更長生憎官吏俗驅盡踏搖娘

戲元和馬

令

劍去溪還在憑欄偶聽泉峽中雲戀石澗底樹爭天草

沒金鳬影風消紫玉烟何當騎白虎一訪太陰仙

言尋玉蘭樹別過老僧寮葉竟碧千畝花曾香六朝真

娘應手折魯望早魂消祇爲非開日無人訪寂寥

茶肆伊誰女盈盈出浣紗當爐疑卓氏問姓識宣華表

素備施粉安貧不戴花關心好顏色多在餅師家

禪師古支遁蕭爽是吾徒印可還稱祖題樓獨仰蘇肯
將山借客時對佛提壺書壁留鴻爪他年憶我無

病起贈薛一瓢

隱者陶宏景神仙葛稚川賦詩常作議論道必鉤元襟
抱烟霞外湖山杖履前人間小游戲八十有三年

醫術非君好雲池水恰清九州傳姓氏百鬼避聲名江

廉病爲厲所經呼曰散藥如頒賑籌方當用兵衰年難

掩戶也爲活若生

一聞良友病身帶白雲飛玉杖偏衝暑金丹爲解圍清
談都是藥仙雨欲沾衣卽此論風義如公古所稀
往日耆英會曾開掃葉莊於今吳下士賸有魯靈光

鶴還窺客新秋又隕霜與公吹笛坐愁話小滄桑

詩二首贈滋園中丞一介其壽一慰其疾

中丞憂國不知年嶽降心忘四月天父老競持千日酒

旌旗方掉五湖烟任兼吳越石原重

公兼管浙中海塘

身歷風

霜節愈堅百姓壽長公願足謝他騎鹿衆神仙

簿領勞多體欠安故人額手勸加餐身須長健恩才

報事要親裁日正寬勿棄早知陰德大班荆難忘少時

歡封疆近覺如公少珍重軍中有一韓

題前朝董姬小像

姬嘉靖時人自描小照贈黃姬水先生諸名士

題咏甚多近爲薛壽魚所藏

一幅崔徽二百年傾城名士總成烟天涯有客橫塘過
花影隨緣落眼前

想見鸞離鳳別難春山愁損目波瀾將身盡與檀奴去
較勝嫦娥月裏看

風吹影動輕綃小羽華嚴事兩朝輪與河東薛常侍
熏香供得董嬌嬈

古時春色遠難探近日新花露正酣我有相思不能盡
化爲紅豆滿江南

謝紫華君

南山子歌

南山年十二鬻身爲傭保伐木同伯夷沽酒學便了主
人蔣侯家華富驚里媼主人上學時羣奴頭雙掉不願

侍筆硯只願買綾絲
商山獨口不願隨主
搜討識字辨
輒益學書別行草未
幾十餘年奴比主人
好我曾題復
閣十年尖草猶商山
默識之字字得頭腦
又過燕子磯
古碑卧牆倒篆籀頗
模糊商山悉能考我
聞古大儒
象爲奴早又有鮑與
股楊家供酒掃俱享
一代名庸
稱矯矯惟其讀書深
對人客氣少低首靜
情情安貧心
悄悄主人欽其賢戚
里奉爲寶我學孟化
弄不敢王襄
黜因之發長喟語世
人宜曉肯學勿嫌賤
但學勿嫌老
請看商山子能學爲
人表

贈歸愚尚書

九十詩人衛武公
角巾重接藕花風
手扶文運三朝內

名在東南二老中

上賜詩二老
江蘇之大老

健比張蒼偏淡泊

如高允更清聰當時全咏霓裳客得附青雲也自雄
香山社裏領耆英瀟酒何曾似六卿雨後尋詩雙蠟屐
花時扶路一門生笙歌徹夜能堅坐鳩杖隨身但應名
蒙過病中談娓娓早衰蒲柳若爲情

唐氏席上贈沈勵齋前輩

當筵重見魯靈光三十年來春夢長前輩典型還照舊
少時知己最難忘一堂絲管燈如錦滿坐詞臣鬢有霜
我是婢師指老眼就中只認沈東陽

謝望山公賜素心蘭

幽人深山居如蘭空谷佳偶升君子堂絲竹非所慕各

申同心言霜燈明遠樹斜睇西階西秋蘭尚凝露中有
純白者價值中人賦忽然貪心剪再拜自陳訴枚也如
小草公門久收貯愧非桃李花春風開遲暮彷彿空谷
姿寒香表幽素可否乞一叢同渠沾時雨公曰賜汝可
持歸好調護素心人已來素心花可去

贈蘭有明訓弟子請志之道藏勿掩日道茂勿分枝譬
如金屋妹太嬌病難治又如富家兒分居族必衰大哉
明公言瑣事亦吾師隨園無牆垣日影常參差田家老
瓦盆蓄養任華滋庶幾傳衣鉢臭味無差池更憐相賞
處恰在未開時此意古所難兼語幽蘭知

哭塔

老人亡婦當亡兒
簌簌臨風淚暗垂
擬把衰年托嬌客
誰知白髮送瓊枝
數雖前定恩難捨
病竟無名死尚疑
聽喚阿爺曾幾日
一場春夢不勝悲

雙飛才看小鴛鴦
轉眼孤鴻影一行
蕭史竟無同去事
令君空有舊時香
畫眉筆冷蛛絲繞
射雉弓凋鏡檻涼
怕見多情天上月
夜深猶自照東床

埋玉新房舊館甥
女兒擎藥等雞鳴
情癡屢下庸醫拜
力竭空餘禱佛聲
宛轉檀奴難訣別
彌留叔寶尚神清
禁他十七紅顏婦
斷雨零風了一生

蒿里簫聲出鳳樓
輕塵短夢太悠悠
華堂真雁燈如昨
江館啼烏樹已秋
地下難攜嬌婦小
人間交與阿翁愁

愛河水竭情波濶一夕黃門更白頭

女扶壻柩還吳作詩送之

柁舟此去雪盈途一曲離鸞萬木枯後曾自然來世有
佳期怎奈半年無好如郎在安眠食莫帶啼痕對舅姑
姊妹成行偏汝獨未知何處續遺孤

枕劍圖爲李開周作

落魄江湖兩鬢秋男兒未報是恩仇夢中怕忘英雄事
權取青龍當枕頭

飲罷荆軻酒一觴夜深金電繞空床橫陳與子甘同夢
只有當時聶隱娘

蘇州寄懷梅岑

三吳一別兩心違
愁見皋亭木葉飛
海上成連琴欲斷
耳邊曾點瑟方希
詩須我定應留稿
節近秋涼可授衣
昨夜鯉魚書早到
東修不寄寄當歸

十三經試張童子
五百年生員半千
後起有人甘我老
斯文誰託仗君賢
桂花得月香成雪
鴻雁當秋字滿天
努力掣雲心事健
紫金鰲背躡飛烟

十月十一日雷雨

蛟龍忍寒九淵起
電火燒霜照窗紫
飛雹如麻萬瓦鳴
浮天十月江南水
老夫夜坐獨自嘆
世事難測如波瀾
君不見川原蕭瑟
隆冬日天意還當
盛夏看